

MMELWIKE KABENA



Chris Oyakhilome, D.Sc., D.D

Mmelwike Kabena

Chris Oyakhilome, D.Sc., D.D

Kunakili kumajandiko gi kikitabu chenje kuboke mumajandiko ga Bibilia ja King James Version, nambu tu anda ipakulengogwa gange.

Kiandikigwa kabele chaka 2003

ISBN 978-34658-7-2

Published by: LoveWorld Publishing
Copyright © 2006

Ilebe yoa ibekigwe. Kujeketeligwaje kujiga kuandika kitabu chenje wala kipande, ipaligwa kujeketeligwa kwa majandiko kuboka kwa bene akina World Publishing penia mwe nhwotwi kujiga kuandika kabena.

AGABILE

1	KWELI JINU MWENGA	7
2.	MWENGA NGOE MAKIPANGANIGWA KİYONO	13
3.	MWE MMOKE MUBOMI GWA NNOONGO	15
4.	MWE MAMBONE NNONGI JA NNOONGO!	19
5.	MMALANGIGWE KUBE NNYEKETELIGWE!	13
6.	NNYEGUIGWE	21
		23
8.	KIUKU JWA CHWAPI ATAMA NKATI JINU!	27
9.	NTENDANIKE, APANHWACHAILEBEYANGAMBO NE?	33
10.	NTENDA NIKE KINGOBU AKAGANJA BINU BA KALAKALA PABAMMEMBULA?	43
	II NA KINGOBU	
	PUKUIKA KULAGA PAMWE NUKUPOTEKIGWA?	
12.	KIUKU JWA CHWAPI PAMWE NA MWENGA!	49
		57
13.	MPALIGWA KUJENDA KULIKANISA?	67

Ndugu mpendwa,

Mbaya mwe mmelwike kabena upeelee gwenio nga gwa bule gukupata bomi gumachoba ndu pangapela gwenio mapata magambu gukunyekela Yesu Kilisito kube Nngwana pamwe na nkoli jwinu.

Ne mbaila tube pamwe mwenga mukweli jenie gambu chenye ngi kijemo chi imani jikikilisito, imani ipakunyangata kulimba mubomi gwinu nukupata upeelee nkati ja Kilisito. Mikibole nhwalo gongo kukachana muno mmanya ipakunyangata. Kube na bomi gwangapela machoba goa.

Ne nannyopa Nnoongo ampe kiuke jwa chwapi jwa malango nu kuekuligwa kukummaya jwenio kupala mio ginu gu umanyi kupala nnole nu mmanye ukolongwa ogwankemile na kupala mmanye ilebe yoa ipatikana bule

kwa ndela ja Kilisito, unhyo. Nhwalo gongo upakunnyangata, kutumbu bomi nhyono mu Yesu kilisito. Pampa kutumbbu kukibola nnyendekeya tu kuchoma Bibilia jinu, nu kukibola majandiko mmene.

Ne mbemele kutenda nhwalo ogubi nkati nkati ji kitabu chenje upakunnimbiya malabu jinu kipola na ipilibi Lilobe Iya Nnoongo.

Nnoongo ampe kindimba ndu kwa lina Iya Yesu Nhyo.

Mchungaji Chris Oyakhilome

KWELI JINU MWENGA

Mwe nga upo ya mmele ogumminago. Mwe mmi mwetuje kibi chenge kilebe chikigoya ilebe ndu nkati jinu (milyango jikumanya kunhwotoya kulola, kujoa, ukunyula, kupaya nu kunuya luumba). Nkati jinu, kibi kilebe, chenie kibi kupeta mmele gwinu. Chenie ngi kiuke chinu chi kimundumundu, jenie nga kweli jinu mwenga.

Mundu jwa nkati nga jwajo ejilenga Bibilia mokitabu cha 1 Petro 3:4 : *“Nambu, kualala*

kwinu kupaligwa kubokela mu mundu jwa kweli jwa nkati, kualala kwanga alabika gwambone pamwe na tengela ji Kiuke, gwenio nga gwambone nnongi ja Nnoongo...”

Kingobu mundu apajomoka, kiuke chakwe kijendekeya kube kimomi. Na kiuke chenie kijendeke kube chambomi andi apakiba mwene mmomi tangu nukujomokaje; aoiteje kilebe nambu tu apelwi kubegelela mu ilebe ya pannema gongo gwa mmele gono. Mmele gwakwe tu ogujomwike, nambu mundu jwa nkati jukiuke tango akajendekeya kube na malango goa andi apakiba nago apakiba tango nukujomokaje.

Mu Sula ja 16 joa ji kitabu cha Luka, Yesu Kilisito alandulila nhwalo gumwe, bandu abena abakiba bajomwike. Jukutumbula akiba nhwocho ju kujopajopa penia ngiti alandulila uhwocho tu je uyo akiba na mwojo gwambone. Kuboka pukujomokaga,

ngatoligwa nu kumpeleka pikitibi chu Ulaimu. Uyo mundu jonge ngajomoka. Jwenio akiba juna kipato pannema pano, nambu atama kukikikonja na panga mwojo gwambone.

Nu uyo ngajomoka penia mmanyanya kutenda apajomokaga mmele gwakwe ngubuchika pulundope. Nambu penia Yesu alenga kutenda apakiba kumambi, ngajinu mio gakwe ngammona nhwocho jola ojwakonda Lazalo abi pikitibi cha Ulaimu na ngammanya. Yene ibi na mana kulenga, Jwenio akiba tango nu uwecho gukulola. Kuboka penia ngankema Ulaimu nu kunnenge, “Chonde unyangate!” Nhwoti kumanya kutenda akiba nu uhwecho gukulongela. Uyo Ulaimu ngajanga na jwenio ngabe nuhwecho gukujoa.

Mundu jwenio juna kipato ngajendeke kulenga, akiba na nyota, nyota tuje ngalenga akiba mukupotekigwa, na ngalenga “Chonde muntume Lazalo aike alete litondogolo Iya

make meke pululimi imu nyota jango.” Ni kilebe change chukupala kumanya, uwecho gukuwacha uyo akiba nago tango.

Milyango jakwe joa jikumanya akiba najo tango jikalimba. Na kabe akiba tango akakombakela ilebe. Ngalenga, “Chonde muntume nnondoli jumwe kati ja akalondoli abawile ajende akatangache kunnema akatangache kwa akanunubango.” Jwenio akiba na akanung’una anhwano pannema. Nga kwa mana ngaacha kutenda, ‘Pangaje andapiti mundu jumwe kati ja bandu abajomwike nukujenda katangachilanga pannema pangaje bandu mabaaminanga. Penia akombakela akanunu bakwe’!

Kilebe chenye kimpe kumanya kutenda kiuke cha mundu kijendekeya kube kimomi. Na mundu apabelekwa kabena kiuke nga echikibelekwa kabena!

Mu kitabu cha 2 Akakolinto 5:17-18

(NKJV) Ilengigwa,

*"Mundu jwajwoa anda alondine na
Kilisito abe kipanganigwa kiyono Ilebe
yoa ya lolo iboigwe nno ngoe ibi iyono,
gaboigwe ngoe gabi mayono Yene yoa
ngi l.iengo lya Nnoongo. Ojwatuchi-
kachana twenga na mwene kwa ndela ja
Kilisito, na ati liengo lya kachikachana
bandu bange uyo."*

MWENGA NGI KIPANGANIGWA KIYONO

Ngoe mwe mupangite bomi gwinu kwa Yesu Kilisito nu kutenda muntei abe Nngwana kwa bomi gwinu, Ngoe nng'alambwike nu kuboka muilebe imakiba nayo kalakala. Nambu kwa panja nnyendeke kubonekana andi pamakiba kalakala nambu nkati mwenga mmikipanganigwa kiyono. Chenie nga ipijilenga Bibilia. Mwenga ngiti 'andi kipanganigwa kiyonoje,' nambu 'makipanganigwa mayono' - mayono manabeje kuboka kalakala (2

Akakolinto 5:17).

Ngiti mwe ntendekiigwe kabeleje andaje bate kuntendekeyaje mwe nga kupanganigwa kuyono mundu nnyono jwa nkati. Yene mwenga kukube makipanganigwa mayono nkati,ngiti kwa mana ga kutenda mmonekana panja kube telaje na kalakala je. Anda makiba na nywili nyipi pamakiba manabelekwaje na ngoe mmi uyo na nywili nyipi. Mma tango ni ingota uyaye na akandami ajinu ubaba.

Na uyo mmanyanga ngoe ilebe inu igalambwike nukube yambone gambu mwe mmi mamundu mayono kwa nkati.

**MWE NKWETI
KINDUMBUTUMBU CHA
NNOONGO!**

Kukubelekwa kwinu kuyono,, Nnoongo ampi makakala kukube mamwana jwakwe (Yohana 1:12). Kindumbutumbu cha Nnoongo kipandigwe nkati mukiuke chinu chi kimundumundu. Ngoe mmi na bomi nhyono bomi gu ki Nnoongonongo gwenio ubi mu kila mundu ojwanhwamini Yesu. Gwenio upeelee nchokuje ! Mwe mmi kutaliye na Nnoongo (2 Petro 1:3-4).

Nnoongo ngoe nga awabinu! Mmanya bo penia?

Kindumbutumbu chinu chu kukubelekwa kabena nga Nnoongo mwene. Andi pannola jimbwa apotola mwana jimbwa. Yohana 1:12-13 ilenga,, ***“Nambu baba abampokile, ababumhwamini, ngabape uwecho gukube ingota ya Nnoongo nga ababelwike ngini kwa kwa mundu je na wala kwa makakala ga mundu je andaje mapalano ga mundu je nambu kuboke kwa mwene Nnoongo.”***

Nnoono akweti chikibi pamwe na mwe. Mwe nga bamwe ababi unyumba jakwe, na yene mwenga nga mamundu bakachakwe kumbengu kwabile.

Nnoongo ammekite. Mampa ilebe yoa mukindimba chakwe ndu kuboke mu Yesu kilisito (Akafilipi 4:19). Abi nu kupala kukolongwa kwa gambu gu bomi gwinu gwenio aubeka tango mwe nukubelekwise

kabena. Mwenga nga mapalano gakwe mmelwike mu kibeledi cha mapalano. Chenie cha mbone muno kwinu. Ampa bomi nnhyono kupala mme mu kingwana gwakwe.

Bibilia jilenda kutenda Nnoongo ampa bomi gwa machoba goa pangapela. Bomi gweni ubi nkati ja Nnoongo, gwenio gwameka mme andi jwenio pabile. Kilebe echakweti Nnoongo kwinu. Bomi gwenio ngu oguchipula kunkamulila Yesu Kilisito ajendeke kube mulikabuli. Gwenio nga bomi gukuyoka na bomi gwenio ngoe ubi nkati jinu mwe mamunhwamini Yesu!

"Kweli jene nga jenje: Nnoongo ngatupe bomi gwangapela na bomi gweni ubi kwa Angwana ana Yesu. Mundu jwajwoa ojwabi na benia akweti bomi gwangapela; jwangabe na benia kubeje na bomi gweni gwangapela.

*Nunhwandikilanga genia mmanye
kutenda nkwati bomi gwangapelea
mangweto mamunhwamini mwana jwa
Nnoongo.” (1 Yohana 5:11-13).*

Nga jwajo tu OJWABI na ANGWANA
nkati jwakwe, nga ojwapa kupata bomi gwenio,
gambu bomi gwenio ubi nkati ja mwana
jwa Nnoongo. Kingobu apamampokelaga
mapokela pamwe na bomi gwenio.

Bomi gwenio kumputanila kwa kila kilebe
echa mpa kongana nacho gwenio kummeka
tondoba kila kingobu, na nnyendekeya
kombakela kilebe chenye kila kingobu Nnoongo
kwipunika wala kuchipula kileje. Ngoe nkwati
bomi gwakwe: Mwe ngoe kuwechekanaje
kwipunika andaje kuchipula, gambu kuuke
ujwajo ojwanhyoya Yesu Kilisito, nga ojwabi
nkati jinu! (Akaloma 8:11).

MWENGA MAMBONE JWA NOONGO!

2 Akakolinto 5:21 ilenga, *“Kilisito akibaje na malemwa, nambu Nnoongo nganmeka abe na malemwakwa magambu gito twenga, kupala twenga kukube pamwe na jwenio, kupa ku tube takambone kwa Nnoong .”*

Nhwacha Nnoongo akamu kilebe echapala kubeka kindumbutumbu (echikibi litambiko li kuboya mabaja) gito twenga kupala tube takambone ba Nnoongo nkati jito.

Kilebe chenya nga echikimmeka Yesu awe kiu cha mabaja kwa magambu gito Mana

gakwe lele mwe unhwotwi kujema nnongi ja
Nnoongo kongo mmonekana kube chwapi
manga maelele gagoa ga mabaja mbwele
andaje uwina (Akaebrania 10:19, Akaloma 5:1).

NNYEKETELIGWE!

Ibi na mana nike, apannenga nnyeketeligwe? Mana gakwe nga tela nu kulenga, 'Nkwetije malemhwa.' Gambu Nnoongo abi pamwe na mwenga, Bai mmije ni lilemwa lyalyoa. Bibilia jilenga, ***“Ngoe gambu tubekigwe kube tanga malemwa kuimani, bai tubi tengela kwa Nnoongo kwa ndela ja angwana bito ana Yesu Kilisito:”*** (Akaloma 5:1). Nnyeketeligwe!

Yesu ngachapigwa kwa magambu ga

mabaja ginu papa apawa panchalaba, iganu kube akwetije mabaja gagoa(1 Petulo 2:22). Na yene nga kwa mana Nnoono abi kujendekeyaje kombake mabaja ginu. Bibilia jilenga,,

“Nnoongo ajibekite dunia kuchikachana na mwene kwa ndela ja Yesu Kilisito pangagaachi mabaja ga mundu. Na jwenio atulagi native kachikachana angi bandu kwa jwenio.” (2 Akakolinto 5:19).

UNNYEGUIGWE!

Nnyeme tuache oti kingobu kachoko tulenge, “Mwe nng’weli mulibomba, na tayali mmi ngamandope na mundu jumwe aika kunkola- nukumoya mulibomba.” Kilebe chikiika mwe mmene nnyemite nukukiungula mandope Na kwa malobe gange tulengae libomba liboke, kilebe chenye kipa kutendigwa kukachana babe kingobu chimweje.

“I Akakolinto 6:11 ilenga, “.Nambu

ngoe nnyeguigw, mmekeigwe kube mmich-wapi nu kubekigwa kube manga mabaja, nu kuchikachana na Nnoongo kwa lina lya Angwana ana Yesu Kilisito na kukiuke jwa Nnoongo jwito.”

Kujeguigwa kwenio kwa mala ja pabele kukutumbula, Nnoongo ampiya mulibomba, kwa mana ja mmelwike kuyono mala jimwe, na Bibilia kujeguigwe, kwenio kukema kulekana ni ilebe ya padunia mmi nkati ja Nnoongo ipaligwa mpite mummele gwinu kukukiboya manhwacho ginu muilebe yapa nnema, nu kujendekea kujeguigwa (kubekigwa kube mayono) kwa ndela ji Lilobe lya Nnoongo (Akaloma 12:2).

Kubekigwa kube mayono ngi liengo lya kila machoba. Kukiyobalakeya kuyono kukuwacha kwa ndela jimwe kuibona ilebe kwa mio tango nukuaminije. Na kukibeka kuyono mawacho ginu, kugajeketela mawacho ginu kuibona ilebe

kwa ndela jikiuke. Penia mpa kulonge malobe
ga Nnoongo kwa ndela jikiuke agamagapatite
kuboka ku Lilobe lyakwe.

.

NKOLIGWE!

“Na kukuala mwojo malumbe awawa abammekite mangweto kube na paali pinu mukungwana chakwe chababeki bandu. Benia ngubutukola kuboka kwa makakala gulubendu, ngubuleta kwa tengela kukungwana cha mwana gwabe jubumpaile:” (Akakolosai 1: 12-13).

Kutumbu pamapanga bomi gwinu kana Yesu Kilisito ngoe mmi mandami mukungwana cha Nnoongo, Abije Nchela

ojwaoto kuumbatuka kubokq kumambi nukumpoteka mwenga ngoe. Mmi tengela kuboka mumalagano goa agamakiba nnyingile kalakala kukumanya andaje pqngamanya. Mmi tengela kuboka mukitama kibaja andaje itamwe andaje libala elintamalile kwa machoba majingi. kwanike? Kwa magambu nkoligwe kuboka mumakakala gulubendu!

Biblia jilenga yene Nnoongo ankolite kuboka mukungwana na makakala gulubendu na nnyingiigwe mukungwana chakwe. Mpaligweje kujoboka kabena. Nnoongo nga nchungi jwinu mio gwakwe gulenda gannolokeya mwenga kila kingobu (Zaburi 23:1).

Biblia uyo jilenga kutenda: “Mwana anda ampi tengela mpa kube tengela muno (Yohana 8:36). Nnoongo ankolite nu kunnyingiya mukungwana chwakwe. Na kwenio ngu kummi ngoe, na kwenio nga kachinu. Tayali nkoligwe kuboka mumakakala gulubendu.

Na mmanyanya kutenda genia gatendugwa
kukingobu chikipetite – Mwe ngoe nkoligwe
kuboka mumakakala gulubendu!

KIUKE JWA NNOONGO ATAMA NKATI JINU

Paali pakolongwa pa bomi nhyono gwenio ibi yene Kiuke jwa Nnoongo kuika nukutama nkati jinu. Ni kingobu Kiuke jwa Nnoongo apatola paali pukutama nkati jinu, ammuliki lumuli kwa ndela ji Lilobe Iya Nnoongo, na ampe kumanya kuyono kulilobe lyakwe. Penia pimikibola bibilia mpata kunya mukiuke jinu nukutumika mubomi gwinu.

Kilebe change echakamu Kiuke jwa

Chwapi kunkombalela Lilobe lya Nnoongo (Yohana 14:26). Kuku nnyonjakeya ,ampe makakala kummeka makajobokaje kube machalakichi manamakakala gukulonge ilebe ya Nhwalo gwa mbone gwa Yesu Kilisito..

"Nambu Kiuke jwa chwapi apapa kuulukila, mangweto mpa kupata makakala na mma makachalakichi bango ku Yelusalemu pamwe ni ilambo yoa yuku Yudea ku Samalia na mpaka kupei nnema." Itendwa Nkamwaniket: 8).

NKAMU NIKE KINGOBU ...

APANHWACHA ILEBE YANGA MBONE

Kubelekwa kabena kinhwibije kutegigwa, penia mma maha kuboke mumitambo jenie jikaotoje. Bibilia jitubola kutenda tubi mumitambo machoba goa, Machoba goa Nnoongo ampe ndela jikupokonyoka mumitambo jenie (1 Akakolinto 10:13). Kwa yene kingobu pagaika mawacho gangambone mpaligwa

(1) NKOMBAKELA KUTENDA MWENGA NGI KIPANGANIGWA KIYONO

Mawacho genia gaika andi makakala ga panja, yenie gabi gakaika kuboka ku Lichetani. Makakala genia ngiti gaboke kwinuje gambu mwe mmelwike kabena. Bibilia jilenga, kutenda twenga (tatubelwike pabela) tubi na manhwacho ga Kilisito (1 Akkolinto 2: 16). Mpaligwa kombakela kutenda mwenga makipanganigwa kiyono! Nnoongo atupala kila kingobu tukombakela kutenda twenga nga takipanganigwa iyono, nu kutenda atupi bomi nhyono na bomi nhyono gwenio tupaligwa kuuamini.

(2) KUJENDA MAJENDO GUKUAGABALA

Munhwagabale Nnoongo! Tuwache oti majendo manhwacho gangambone. Gaika

nkati jinu kolakeigwa na kupala kamu ilebe yangambone; na change kingobu nhwotwi kamu kilebe kikolongwa kuboke mukolakeigwa kwenio. Nambu kingobu ucho nhwechite kombakela kutenda mwenga mmelwike kabena, kingobu chenye kukileka kilebe chenye.

Muhwagabale Nnoongo! Mmánya kutenda kubelekwa pabena kummekitije mwe kotoka kutegigwa na mabaja, Nambu kilebe kikolongwa mmene kuibila kilebe chenye chikaikaje nkati jinu. Nkane! Mundu jumwe akalenga, 'Kuotoje kiibi ijuni kugoloka panani ja mutwe gwinu nambu nhwotwile kiibila ikachengaje miui pamutwe gwinu!'

Kwa magambu genia mwe kuotoje kugaobila manhwacho mabaja gakaikaje nkati jinu, gambu genia gaboke kwa makakala ga panja nambu nhwotwile kana gakabekaje kitamo nkati jinu. Makagalekaje manhwacho mabaja gabeke itamo nkati jinu na gantawale. Kijume chakwe mwe magakana genia

kukuwacha manhwacho gambone (Akafilipi 4:8).

Pangaje mwe mamundu bukuchekecha nnongi ja bandu, iwechekine change kingobu mpaligwa nchekeche andi makege kongo mwe manalome. Penia mwe mpaligwa kwindi ngobo yakikege ligauni likikege na nywiliya bandia nu kujiga kulonge andi makege, nambu anda nnyomwi kuina kwenio makalibalije kutenda mwe manalome. Miuluka penia nukuula ngobo ikikege yenie nu kwindi ngobo inu nukujenda kutyanga muikaja andi kalakala. Apanyenda kamaengo kindabi jumatatu makalibalije kutenda mwenga kwa kweli manalome. Penia miba andi manalome nu kamu maengo ginu andi manalome. Ipakube kichekecho anda mwe milongela chikikege nu kamu ilebe andi pamakiba makachekecha licho kilo andi makege.

Kilebe chenye kipiti kabena kwinu makiba makatenda ilebe yangambone pamakiba manabelekwaje kabena, nambu ngoe nkweni bomi nhyono bomi gwenio ngu upaligwa kujendanago ngoe. Makiba makachekecha andi makege kusingobu kijingi ni kingobu change nnyitukila makajiga kabele andi makege nambu kingobu tu kombakela kutenda mwenga manalome penia kukibeka kabena manalome, nu kulenga, “Aka ne nakegeje; mbi pukuchekechaje mbaligwa kukibeka telatela!”

Jeniae nga ndela ji kukiibila manhwacho mabaja gakatamaje nkati ja mwojo gwango. Mpaligwa kikilenge, “Nno ne melwike kabena. Yene nga pamile!” Makajalije chengi kingobu kuobela (na mankombakela), NHWIBILE! Mikilengela, “Mmelwike kabena nhwibila kingobu ucho!”

Makajeketeje mabaja gantindile tii nde, na

makalola onije mundu jwajwo ojwabonekana
apa kummuya kubuja kutenda mabaja,
mannengela, *“Mwe ne kutendaje kilebe chenie
gamu ne melwike kabena.”* Mmoye itendwa
ibaja kukamwa itendwa yambone ntenda
genia kwa nyamie. Mpalapala kilebe kuboke
mu Lilobe Iya Nnoongo na nkamula chenie
kukoya kutenda yene.

(3) MMA MAKAMUI, BI LILOBE!

Nnoongo apaije twe kube tubandu
bukujoa tu, namu uyo tuba tubandu bukamula
Lilobe: .

*“Mmikikikoloyaje mmene kukujoa tu
Lilobe lyakwe nambu milikamule.*

*Mundu jwajwoa ojwajoa Lilobe lyenie
nambu kulikamulaje, jwenio alandine na
mundu ojwakilolakeya mwene mulindala
kuboka penia kuboka nu kulibalila apa-*

bile” (Yakobo 1:22-24).

Mma matendi bi Lilobe papa tu apankombakela nu kulitenda pipal-igwa. Na yene nga apatenda Kiuke Jwa Chwapi nkati jito. Yesu ngalenga, “Nambu Nnyangati Kiuke Jwa Chwapi jwenio ojubapa kunkinga kwa lina lyango jwenio ammolanga kila kileba pamwe nukunkombakela ilebe yoa yammolanga.” (Yohana 14:26).

Munnumbe Nnoongo gambu Kiuke Jwa Chwapi abi pamba atenda kutujangata kombakela Lilobe! Na ngoe apamilikombakela Lilobe, milikamuli maengo. Makapa liengoje kombakela ,Kiuke Jwa Chwapi malileta mukombakela kwinu.Nambu kila kingobu mma maha kuagabala apannengela mumanhwachoginu.

(4) MIKIBEKA MAHA MABAJA GAKANTAWALAJE

Mpaligwa kombakela kilebe chimwe: mahwacho mabaja gakantolaje kwa makakala nu kuntawala na genia kutama kwinu mpaka mmene magajeketele kube yene.

Bibilia jilenga, "*Gambu mabaja kuntawala kabeje....*" (Akaloma 6:14). DMabaja gakantawalaje. Gakapataje uwecho kwinu, Gambu mwe mmije muchaliya nambu mmi nhwina jupeelee. Chenie nga echikilenga Bibilia kwinu mwe.

Nnoongo ankolite kuboka mumakakala ga mabaja, pamwe na makakala gulubendu kummeka mukungwana chakwe:

*"Nu kukuala mwojo malumbe awaw,
ababunhwotwiye mangweto kube na
paali pinu kuilebe yae ibabekela bandu*

bakwe mukungwana chabe chu lumuli. Jwenio ngatukola nukutuleta kwa tengela mukungwana cha mwana gwabe jubumpala:” (Akakolosai 1:12-13).

Na yene nga pammile ngoe, mwe mmi kipanganiga kiyono. Yene nga kwa mana makakala gulubendu kumpata kabeje mwe ; gambu genia ga lolo gabi mutawala gwa mabaja, nambu mwe mmi mutawala gwa bomi gu kimungumungu, gangachikachana na mabaja. Mmi kulola kuwechekanaje mwe kutawaligwa na mabaja.

Akakolosai 1:14 ilenga, ***“Kwa yene tukoligwe kupete myai jakwe nu kulekekeigwa mabajapata.”*** Nkati ja Kilisito kubi ukoligwa.

Ngoe chenje ngi kingobu kupata kue ito. (Akaefeso 2:5-6). Tubi kulagalagaje kupata tayali tupatite! Pamba ipaligwa kung’ang’anila umanyi gongo gwa Lilobe Iya Nnoongo pamwe nukuala mwojo.

NKAMU NIKE KINGOBU
NNG'AGANJA...
INU APAANTOPOYA MWOJO?

Ngoe mwe mmelwike kabena na mmi makibelei kiyono mwe nga ujwajoje ojatama mikibelei cha kalakala ata ikabi ole. Yene ibi na mana ga kaleka akaganja binu ba kalakalaje. Npaligwa kube nabo mwe nga mma lumuli lwabe gamu benia babi tango mulubendu gambu banabeje na Yesu Kilisito mkati ja myojo jabe. Nkombakela kutenda mwenga ngu lumuli lwa Nnoongo kwabe mma pamwe mukikiola Lilobe lya Nnoongo kupala na angweto baoto kunkengama Yesu.

Kini champa kutenda anda akaganja binu bajiga kunhechuya mwojo? Bibilia jilenga yene. Kingobbu cha machoba gukujomolela kupakube na akaboli ajingi benia bitendanga kila kilebe kibaja chibaoto kamula nu kukachapiya kweli ja Nnoongo (2 Petulo 3:3-4).

Akaboli bu wangi nga baba boa abajiga kummuya unyuma nukunhwechuya mwojo kupala magabuji majendo ginu ga kalakala nu kupala kumpe majendo gange nu kummuya unyuma kupala nkotoke kujendekeya na majendo gukunkengama Kilisito. Makajeketeje malobe gabe, nambu mwe nnyendekeya kamuli chankweti kwa magamu ga Nnoongo pamwe na Lilobe lyakwe.

KUTABIGWA KINGOLINGOLI KWANGA LENGANILA

Mumachoba gukutumbula kulema kwa akatalamu nnemi jumwe akitaa inyama

ibena pamwe, musingolingoli andi liponda andaje gankambakoga ng'ombe mabena na ngagataalila na majeme gukulema ngagalema pamwe. Kwa magambu inyama yene bikitaba pamwe nu kamu maengo pamwe kipola jumwe akajenda kongo na jongo uyo kujenda kwenio, kuki ngobu choa paikiba pamwe.

Maponda genia gambu gataigwe pamwe tukalenga kutabigwa kingolingoli kukulenganila, Nambu ikabi inyama yene jumwe ng'ombe na jongo liponda, tukalenga, kutabigwa kingolingoli kwanga lenganila. Kwa magambu inyama yenie ikiba telaje Na anda twe tupa kutabigwa kingolingoli kwangalenganila. Anda ibi nkilisito atabigwa pamwe na nkilisito mmanya angweto enia batabbigwe kingolingoli chikilenganila. Nambu anda abatabigwa jumwe nkilisito najonge nkilisitoje, benia batabigwe'kingolongoli pangalenganila'. Na Nnoongo alenga, "Makabepamweje na

bandu bangaamini . Bo, ubaja na gwambone kulandanai? Lumuli nulubendu kutama pamwe? Kilisito kuwechekana kutama ni Lichetani? Ojwaamini amanyana bole na jwangaamini (korintho 6:14-16).

Mmi kulola, iganu bube ojwaamini na jwanga amini ntamanga pamwe nu kukamwa ilebe pamwe, Penia nga mmi pukutabigwa kingolingoli changalenganila kweli yene telaja. Nnoongo apaije mwenga ntabigwe kingolingoli changalenganila, nambu apala mwe ntabigwa kingolingoli chikilenganila. Bangaamini kubeje akaganjabinu. Pangajali kutenda mundu jwenio abi na majendo nike, gambu tu jwenio abelwikeje kabena yene kuwechekanaje abe ng'anja gwinu jwamone.

Kuwechekanaje nu kujeketeligwaje nnongi ja Nnoongo gambu kwenio ngu kutabigwa kingolingoli changalenganila. Kipemo chenie nga cha Nnoongoje.

Uchoba limwe pakapi Nnoongo akantuma

Samweli kujenda kwa Yese abe nngwana juku Isilaeli (1 Samueli 16:1-13). Kingobu Samweli apammona mwana ju litibo jwa Yese, akonda Eliabu, Samweli ngalenga, “Kweli ojo nga ojo Angwana bapala nampakaye mauta,” Gambu akiba juna mmele na ntandamau na juna kualala. Nambu Nnoongo ngannenge nnondoli jwenio, “Makampakayaje mauta jwenio gambu ne nampaije.” Kuboka penia ngalenga, “Gamu mundu alola ilebe kwa panja tu nambu Angwana bulolakeya mwojo” Kwa yene kipemo chinu kwa mundu jwajwoa ailola kwa panjatu. Echalongela apalola apajenda na penia nhwotwi kupata ilebe ndu kwa jwenio, nambu ilebe yene yoa ijema penia kwa panja. Nambo Nnoongo alola kwa nkati.

Mundu jwanagabelekwa kabena kubeje na Kiuke jwa kweli jwa Nnoongo Ndela ja kweli ejipa kummeka mundu ajende majendo gambone ga Nnoongo, kubelekwa kabena.

Kilebe chenye ngichikipa kummeka mundu abe ng'anja jwambone. Papa tu apapakube abelwike kabena, penia iwechekine na yeneje kuwechekanaje, nu kutenda yeneje kubeje Lele mwe mmelwike kabena tama jinu jiba ntama kukunnyi Nnoongo, Kwa yene makatumia malango ginu mmeneje. Chenye ngi kilebe cha mbone. Kubeka mwojo gwinu kwa Nnoongo na jwenio mamona. (1 akakolinto 10:13).

NTENDA BOLE
APAGANHWIKALIA
MALOLA NU KULAGA?

Mukitabu cha maluko kilenga, Marko 4:1-9, Nhwalo gwa mpandi. Mundu jwenio ngajenda kupanda mbeju yakw, mbeju yenge ikagwele piliganga, yenge mbeju ikagwele pulundope lunonou, na yenge mbeju ikagwele pa miba, na yenge mbeju ikagwele pulundope lwambone. Inchitali gwa 16 & 17, Bibilia jilenga,,

"Bandu bange nga andi mbeju igweli piliganga. Kingobu tu pibilipoke Lilobe

*babe nukuala mwojo. Nambu kajingije
nkati nu kubeka mkega nkati jabe;
kujendekeyaje kuliagabala kuliagabala
kukingobu tu, ni kingobu kulaga nuku-
pala kukikonja pukuika kolobana lilobe
lyenie kingobu ucho kulileka.”*

Jwenio alongela ku nhwalo gwa bandu banga mkega nkati jabe nu kuimbalila kwabe kusingobu tu. alenga kutenda iganukube bandu benia babeganga chokwe kupoke Lilobe lya Nnoongo, kingobu tu pabapata kulaga andaje kupotekigwa, kwa magambu gukuamini Lilobe lya Noongo, penia kuechuka nu kulileka. Kilebe chenye chatatite bandu ajingi panakati jito.

Kilebe achalongela Yesu penia alenga kutenda, babi bandu bange kwa kweli bakwetije mapalano kwa jwenio. Bautigwa kwa magambu Lilobe lya Nnoongo lilagi kapeganga bomi gwa

machoba ndu pangapela pamwe na tengela na kupata ilebe pukugongale kwabe. Nambu bakwetije mapalano ga kweli kwa Nnoongo. Kilebe chenio kubi kuechuka! Gambu kulaga nu kupetekigwa pukuika, champaligwa kutenda mwe kujendekeya kengama chache chikilengigwa mulilobe lya Nnoongo:

(1) MMA NA MAPALANO GA KWELI KU NNOONGO

Nnoongo apala mwe mma na mapalano ga kweli ku Nnoongo, mapalano ginakulimba kwa jwenio. Mapalana gaotwi kube makolongwa andaje machokochoko. Chikipaligwa kunhwachi jwenijo nu kulipenakiya Lilobe lyakwe, nu kube papipi na jwenio kupete kugongalela, nu kulaya mapalano makolongwa kwa jwenio. Magambu mapalano gaotwi kube makolongwa kupete kukube papipi na jwenio. Kube papipi muno na jwenio nga mapalano

pagajendeke kube makolongwa kwa Nnoongo. Apanyendekeya kupenekiya Lilobe lyakwe ngapampa kumanya nu kumpala na penia nga pampa kunyeketela kwa mwojo gwoa.

Kingobu pampa kube na mapalano genia ginakulimba ku Nnoongo, nga pilipa kumalika ngega yi Lilobe mumojo jinu. Na pampakube na chochoa mmanyanya Nnoongo abi pamwe na mwenga nu nhwotwi kalenge ajinu.

Bibilia jilenga bomi na kiu kibi mumakakala ga lulimi lwinu (omo 18:20-21), na gaga agannongela gaboka mumwojo (Matayo 12:34-35, 37). Penia apampa kutweleya mwojo gwinu Lilobe lya Nnoongo, pangajali pammile, mamibona ilebe iboka mulilobe lya Nnoongo, Na malobe agampa kulongela giba ga Nnoongo na penia mpakuotola!

(2) MAKAECHUKA MWOJOJE!

Mpaligweje kuechuka paganhwikili malola mwenga mmelwike kabena makakita malola kuikaje ije, Bibilia jilongije kutenda malola gunhwikilije. Nambu jilenga malola mpaka gampetele, malola kwa ndela jajoa nambu malola genia pagapakuika Nnongo mampa ndela jukujomboka. Andi pibi mumajandiko Zaburi 23:5: “Umbanganaki mpapala nnongi ja akangondwa bango;...” penia nkongana na akangondwa binu nambu bankomaje: kulaga mukupata nambu kunkomaje!

Nnoongo apaije mwe nhwechuke mma na ntamw ndii! Makajalije kutenda mmi mukulaga bole, Nnoongo mma nnyomboyage kwayene makaechukaje. Gambu genia mpaka gapitile kwinu.

Isaya 43:2 ilenga, anda mpetite mumache,

mmilwaje, na anda mpetite pamwoto ntinikaje. Kingou pamamegele Yesu mammegelela kwa mwojo gwinu gwoa mankengama jwenio makajali kutenda mpete kulaga nikeje.

"Nambu tunnumbe Nnoongo ojwtupe kuotola kwa ndela ja Angwana bito ana Yesu Kilisito. Lele makalongo bango nnyemange ndii nukulimba. Kila kingobu nnyendekeya kukachana kwa kaegele Angwana, kongo makamaya kutenda liengo lyankamulalya kabegele Anwana liobaje." (1 Akakolinto 15:57-58).

"Gambu kila mundu ojwtabi mwana jwa Nnoongo kujiotola dunia yene nga apatujimoto dunia kuimani ito" (1 Yohana 5:4).

Yene nga apannola ktenda Nnoongo atupe kuotola kwa ndela ja Yesu Kilisito yene twe kuchipuje. Nchoma maha nchitali gwa 1 John 5:4; alonge ku nhwalo kujioto kuboke muimani ito. Tuama kuimani, mwe makuotola ngiti makuchipu mmelwike kabena kupala nhwotole, gambu mmelwike kabana nkati ja Nnoongo. Mwe ngai kibeledi cha Nnoongo mmelwike ku Kiuke jwa Chwapi!

KIUKE JWA CHWPI NA MWENGA.

Kubelekwa kabena ngu kubelekwa ku **Kiuke jwa Nnoongo** (1 Akakorinto 12:13, John 3:5-8). Kingobu apamabelekwakabena, Kiuke jwa chwapi abe paali pakolongwa mubomi gwinu, Yene mpaligwa kumanya kw ambone jwenio pamw nukulikengama Lilobe lyakwe kupala likamu maengo mubomi gwinu.

N mpaligwa kumanya kutenda beneke ababikilondite kwa magambu ginu mwenga, kupala mpate yaye eipatikana kwa Kilisito, na mpokele upo (1 Wakorintho 12:8-10)

na makakala (Luka 24:49, Itendwa 1:4-8) eipatikana kuka kwajwenio.

KIUKE JWA CHWAPI NGA MENEKE?

Paali pajngi mu Bibilia, tagakole majandiko agalonge ku nhwalo gwa Kiuke jwa Chwapi.

- Mulilagano lya lolo tummona jwenio akapanga makakala pamwe nuwecho mkolongwa gukamu ilebe ikoloikolo (Waamuzi 14:6, 19).
- Mulilagano liyono tumona akalengigwa mukubelekwa na maengo pamwe na majendo ga Yesu (Luka 4:18).
- Kiuke jwa chwapi abonekana uyo mutabu chi Itendwa 2: 1-4 mumaengo pamwe na majendo ga kinapunju ba Yesu.
- Jwenio nag Nnoongo. Jwenio nga paali pa tatu mu Utatu gwa Chwapi Yohana 14:16-17, Yohana 15:26).
- Jwenio akiba tango ni kingobuje

(Mwanzo 1:2).

- Jwenio ngi kilenganakii cha makakala ga Nnoongo. Kwa malobe gange jwenio nga paali pa Nnoongo, ojwalenanakiya kila Lilobe elibalenga Awawa (Mwanzo 1).
- Jwenio nga Kiuke ju Mapalano na makakala na mawachoga kweli (2 Timotheo 1:7).
- Jwenio nga Kiuke ojwajeketeligwa (2 Wakorintho 3:17).

KIUKE JWA CHWAPI NGITI...

Na yene uyo mana gakweje kutenda Kiuke jwa Chwapi ngiti makakalaje, wala upepoje wala mautaje wala njebaje wala gambu mumaandiko ibonekana yene. Jwenio ngiti kilonge kiyonoje iganukube jwenio bapi bandu kilonge kiyono jwenio ngiti makakalje. Nambu jwenio atuleta tube na makakala ga Nnoongo. Jwenio ngiti Kiuke ojwatuleta tube

mumbweleje (Akalumi 8:15) nambu atuleta kukuotola (2 Akakolinto 3:17).

KWANIKE TUMPALA KIUKE JWA CHWAPI?

- Kiuke jwa Chwapi atulete makakala gi kiuke (itendwa 1:8). Lilobe lende 'makakala' andi pilitafligwa kukilonge chi Yunani 'dunamis,' mana gakwe ga kweli 'uwecho nkolongwa ogupiya kugalambuka.' Penia nga paika Kiuke jwa Chwapi kutama nkati jito. Jwenio uwecho gu kugalambuya ilebe mumajendo pamwe na mumajendo ga bange bandu.
- Jwenio atubeka tutangache Lilobe Iya Nnoongo pangajoboka: Maluko 16:15-18). Atenda kutulendela nu kutulongaleya (Yohana 16:13, Akalumi 8:14).
- Atenda pembeleya (Yohana 14:18, Itendwa 9:31). Atenda kutulengela nu kutubola (Yohana 14:26, 1 Wakorintho 2:11-12).

- Atyanga pamwe twenga na abe paali pa majendo gito machoba goa (Yohana 14:16).
- Atuchalakicha kutenda twenga ngi ingota ya Nnoongo na atubeka pamwe mukupato cha, kupeta Kilisito Yesu (Akalumi 8:16; Akaefeso 3:6).
- Atubeka agabwa jukummandaki Nnoongo kwa mapalano (Alumi 8:15, 2 Akakolinto 3:17; 2 Timotheo 1:7).

NHWOTWI KUBE PAMWE NI KIUKE JWA CHWAPI

Kitabu cha Yohana 14:17, Yesu alenga,

"Jwenio nagi Kiuke Jwa kweli padunia Kuotoje kumpokela gambu kuo-toje kummona wala kummanya Nambu mangweto mummanyi gambu atama

namangweto. Na atama nkati jinu.”

Anda mmi pamwe ni kiuke mmanyanya kube ku Kiuke muku pamwe nu kujeketela kubegelela kwakwe mumajendo gito. Kwa yenempaligwa kube ni kingobu chukube pamwe na jwenio nukummanyanya kutenda jwenio nga ng’anja Kube pamwe kwenio kusingobu kugongalela pame nukchoma lilobe lya Nnoongo pamwe nukuagabala malagilo na chalia jiKiuke.

Kingobu apammelekwa kabele. Mmaticigwa kupete ku Kiuke jwa Nnoongo. Kubaticigwa mana gakwe nga kutumbukiigwa mmele gwoa mukilebe chachoa. Kukulandanakia andi mpela kutumbia mukibega kikolongw na mpela gwenio kibega chenye kiba namache. Na yene kipipiti mwenga apammelekwa kabele mme andi mpela aputumbukila umache.

Mwe mmi andi mpela ogubi umache, Ni

kulebe change echikibi telaje mwenga mmi andi mpela elo nambu kutumbukilatuje nu kutwe machi nkati ja mpela gwenio. Nai mpela kupala utwele mache upaligwa kube na ndela jikujingiya mache kupala gajingi nkati. Kwa gange malobe, kulebe chiki tengenecha mpela gwenio upaligwa kujeketela kujingiya mache genie. Kwa ndela ujo apammelekwa kabela mpaligwa kumpoke kiuke jwa Chwapi nkati jinu nu kujekete kutweleigwa.

Na kutweleigwa Kiuke ngiti kilebe chikipiti kingobu chmwe mubomi ije, nambu kilebe chenien nga chikijendekea kila machoba (Akaefeso 5:18). Kilebe chenien kipitila kukummanya Kiuke kutenda abile, pamwe nukujeketela kubegelela kwakwe mubomi gwinu. Nhwotwile kutweleigwa Kiuke kila pannyendekeya kube nakwe, kukupete kujemba ,kugongalela kukibola Lilobe pamwe nu kengama pililenga Lilobe Iya Nnoongo. Kwa ndela jenien nhwotwi kutweleigwa ni Kiuke jwa

Nnoongo.

Anda mmi pamwe ni kiuke mmanya kube ku Kiuke muku pamwe nu kujeketela kubegelela kwakwe mumajendo gito. Kwa yenempaligwa kube ni kingobu chukube pamwe na jwenio nukummanya kutenda jwenio nga ng'anja Kube pamwe kwenio kusingobu kugongalela pame nukchoma lilobe lya Nnoongo pamwe nukuagabala malagilo na chalia jiKiuke.

Kingobu apammelekwa kabele. Mmaticigwa kupete ku Kiuke jwa Nnoongo. Kubaticigwa mana gakwe nga kutumbukiigwa mmele gwoa mukilebe chachoa. Kukulandanakia andi mpela kutumbia mukibega kikolongw na mpela gwenio kibega chenye kiba namache. Na yene kipipiti mwenga apammelekwa kabele mme andi mpela aputumbukila umache.

Mwe mmi andi mpela ogubi umache, Ni

kulebe change echikibi telaje mwenga mmi andi mpela elo nambu kutumbukilatuje nu kutwe machi nkati ja mpela gwenio. Nai mpela kupala utwele mache upaligwa kube na ndela jikujingiya mache kupala gajingi nkati. Kwa gange malobe, kulebe chiki tengenecha mpela gwenio upaligwa kujeketela kujingiya mache genie. Kwa ndela ujo apammelekwa kabela mpaligwa kumpoke kiuke jwa Chwapi nkati jinu nu kujekete kutweleigwa.

Na kutweleigwa Kiuke ngiti kilebe chikipiti kingobu chmwe mubomi ije, nambu kilebe chenienge chikijendeke kila machoba (Akaefeso 5:18). Kilebe chenienge kipitila kukumanya Kiuke kutenda abile, pamwe nukujeketela kubegelela kwakwe mubomi gwinu. Nhwotwile kutweleigwa Kiuke kila pannyendekeya kube nakwe, kukupete kujemba ,kugongalela kukibola Lilobe pamwe nu kengama pililenga Lilobe lya Nnoongo. Kwa

ndela jenie nhwotwi kutweleigwa ni Kiuke jwa Nnoongo.

KULONGE KILONGE CHENGE

Andi panongila kalakala Kiuke jwa Chwapi bapegangaakinangota ba Nnoongo uwecho, gukulonge kilonge change Panakati ji iingi eyabalenga Angwana. Balenga iingi yenie iba pamwe na akaamini kulonge kilonge change (Maluko 16:17).

Uwecho gwenio nga gu Kiuke na gu Kimungumungu gwenio mwamini gwammeka kulongela kipola na Nnoongo kuboka mu Kiuke jwakwe, uwecho gwenio Kiuke abeka nkati .

Kulonge kiloke kiyono kwa gange malobe ilengigwa kugongalela kukiuke.’ Ni kingobu apannonge kilonge kiyono, tulonge kipola na Nnoongo (1 Akakolinto 14:4) Na iuke ito itenda kilimbiigwa (Yuda 1:20). iuke ito uyo

itenda kupata makakala nu kuchengigwa kabana (Isaya 40:31).

Kingobu tu apamumpoke Kiuke jwa Chwapi jwenio alongela kupete mwenga, yene ampa uwecho gukulonge kilonge kiyono. Penia nnyendekeya nu kulonge na Nnoongo kilonge kiyono kwa kila kingobu echampala kutenda yene.

Kingobu pantumbu kulonge kilonge iyono, mikibo mmi nukumanya kwa ambone pannyendekeya kulongela mma andi mamwana machokochoko ojwatumbu kulonge malobe gakwe gukutumbula. Na pajendekeya kulongela, penia nga mamanya kwa mone muno. Yene nga tela mundu ojwaelwike kaena nu kutumbbu kulongela kilongela kiyono kilonge chenye iganukube ipaligeje kukibola andi ilonge yenge.

Uyo pannonge kilonge chenye kila kingou ipakunyangata kujendeka kumanya kipola,

Penia nga mpakupata upo yenge kuboka kwa
Nnoongo.

IPALIGWA KUJENDA KULIKANICHA?

Mukitabu cha Matayo 16:18, Yesu alenga kutenda likanicha nga mmele gwakwe pannema, Na ngalenga kabele kutenda machenga ni milyango jukumambi jiotoje kulikwipula. ***“Andi mmele pubi gumwe ni ipagwa yakwe ndu kube mmele gumwe nga ipibi uyo kwa Kilisito.***

Gambu twe anda tubi taka Yaudi andaje bandu banga aka Yaudi, takatumwa andaje tubi tengela, tuboa tubatichigwe kuki yuke jumwe na

mmele gwenio ukweti kipagwa chimweje tubia ngutunye Kiuke jumwe jwenio .” (1 Akokolinto 12:12-14).

Twenga nga mmele na Kilisito nga mutwe. Akakilisitoboa (ababelwike kabena) ibi ipagwa ya mmele gwakwe, kila mundu na nnyakwe (1 Akokolinto 12:27). Na andi pibile mmele gwa mundu kutenda kipaga chimwe tu kuotoje kamu maengo jika jakwe, akaumini jikajika uyo anda babi jikajika Yene nga kwa magambu Nnoongo bapilangite akaumini uwecho gwangalandana nu lukemo uyo lwangalandana. Yene apala kulibeka likanicha libe n kujangatana. (1 Akokolinto 12:18-24; Akaefeso 4:11-12).

Kwa Yene kujenda kulikanicha kulaya kuagabala kwa pala mwene Nnoongo kwabeka, kupala bandu bajangatane kupete upa yabe pamwe na ngemo yabe. Uyo kika kulikanicha

kwenio kutujangata kape bange kindimba chibapatite bange kape bange angweto kuboka ku Nnoongo andi yene kulaya ikobbo nu ulondoli nayenge ilebe. Pamwe nu kupa yenge ilebekube nu umanyi ogubi chwapi guboke mu Lilobe Iya Nnoongo liliboligwa, kung'ongale Nnoongo, kujoa kuchalakicha ikobo yene yoa ileta kujangatana kwa mbone kupete Kiuke Jwa Chwapi' pamwe nu kujangatana konge kukube mulikanicha (Akaebrania 10:25; Itendwa 1:14; Zaburi 133:1-2).

Kutyanga mulilobe jika jinu nga tela na mundu kuombe pikitoombi kikolongwa jika nu kupelwe jukunyangata. Uyo anda mmi kujendaje kulikanicha kukutweli ilebe ndu ya Kiuke andi nng'onda kuitweli ilyo lyenie ngi likanicha. Kujenda kulikanicha kupakunyangata kumanya ilebe ndu ya likanicha pamwe na bandu bbi likanicha. Na ipakunyangata kujendekeya kola imani inu(mundu ju nkati)

kupala ikomale. Kilebe chenye kipakintenda mme na majendo gambone mu Lilobe na mwe mme nu kupambika.

Mwe andi mpaligwa akilisito mpaligwa milimanye Likanicha lyenie mpaligwa kube nlyo pamwe na lyenie kwenio kuba andi UKAJA, kachinu mma pamwe kwa kila kilebe. Andaje mpa kupakukijimakindima pamwe ni ilebbe yenge eipatikana kuboka ku Nnoongo. Lele mwe mmelwike kabena, mpaligwa kukimanya kutenda mwe mabeneke, na makakotokaje ngu kube pamwe mungongano ya akaamini (Akaebrania 10:25) – Nnyende Kulikanicha!

KOLA

Bibilia jilenga, kutenda, Apannyoa Lilobe
Iya Nnoongo, imani inu itenda kunhwikalila.
Ne nannenge kutenda machomo agabi nnongi
kwa magambu gukupambika ngokwa ikiuke.
Malobe ganga gabekigwe kupala mwenga
mme nilebe ndu na mpambike ngokwa, kilebe
chikipa kummeka mwe imani ikole umwojo
jinu milikamuli maengo Lilobe Iya Nnoongo
mannola chikipa kupitila mukutama kwinu
pannema.

1. Noe mwe mmelwike kabena (1 tape)
2. kulandulila ukilisito (1 tape)
3. kola mukilisito (1 tape)
4. kola kupala komala
5. kuchenga kiuke chinu (1 tape)
6. kutweleigwa ni kiuke (1 tape)
7. kuotola mulilobe (1 tape)
8. bomi nkati ja kilisito: Nhwotoi

nhyono

9. Mundu nhyono nkati ja kilisito:

Anda mpala kupata mihalo ja yenge itabu
na yenge ilebe ya Nchungi Kris Oyakhilome,
chonde anuani jakwe jenje:

To contact the author write:
Pastor Chris Oyakhilome:

United Kingdom:

Unit C2, Thamesview Business Centre
Barlow Way, Rainham, RM13 8BT
Tel.: +44 (0)1708 556 604

South Africa:

303 Pretoria Avenue
Cnr. Harley and Bram Fischer,
Randburg, Gauteng, South Africa.
Tel: +27-11-326 0971,
+27-11-326 0972

Nigeria:

Christ Embassy
Plot 97, Durumi District,
Abuja, Nigeria.

Nigeria:

Plot 22/23 Billings Way, Oregun,
Ikeja, Lagos.
Tel: +234-808 586 5700,
+234-817 198 7339
+234-802 478 9892-3

Please include your testimony or help received
from this book when you write. Your prayer
requests are also welcome.

